



**Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

**Gonet, Jean-Baptiste**

**Coloniæ Agrippinæ, 1671**

§. III. Quid de D. Thoma?

---

[urn:nbn:de:hbz:466:1-77132](#)

41 Confirmatur amplius: Augustinus tria passim docet qua generarim scientia media repugnat. Primum est, gratiam efficacem desumere vim suam ab omnipotentissima Dei voluntate. Secundum, res dici & esse futuras a priori, quod à Deo sciantur. Tertium, Deum cognoscere creaturas in sua essentia, ut in causa. Quia omnia negant Adversarij, quod videat cum nullo ilorum seorsim, multo minus cum his tribus coniunctum, stare posse scientiam medium, quam à principiis omnino contraria desumunt. Ergo S. Doctor rejicit scientiam medium, quantum ad substantiam, & non solum quoad abusum, & modum illum erroneum, quod ponebatur à Semipelagianis. Consequentia manifesta est, Antecedens vero, quod secundum & tertiam partem, disp. 2. art. 1. & disp. 3. art. 4. ostensum est, & quantum ad primam, fuisse Tractatus sequenti dispensatio demonstrabitur, agendo de efficacia voluntatis divinae.

## S. III.

Quid de D. Thomas?

42 In omnibus semper Augustino adhæsit fideliter simus eius discipulus D. Thomas; quare non potuit ei placere scientia media, si Augustino dispuerit; nec ab illo approbari, si ab isto fuerit reprobata. Placer tamen hic breviter ostendere, quantum à doctrina D. Thomæ principiis talis scientia abhorreat, & quā longe ab ea distent. Defensores illius non enim melius mens S. Doctoris inquire potest, quam ex principiis communibus, toti ejus doctrinæ connexis, cum nullibz hanc questionem ex professo pertractaverit. Unde,

Dico secundū: scientiam medium pluribus principiis doctrinæ D. Thomæ apartissim reprobare.

Probatur conclusio multipliciter, exponendo scilicet plura principia doctrinæ D. Thomæ, quæ manifestè repugnant scientiæ media, & ex quibus evidenti illatione sequitur ejus destruacio.

43 In primis evidens est, scientiam medium, non posse stare, destruere ejus objecto: Sed D. Thomas destruit objectum scientiæ media: Ergo & ipsam scientiam. Minor probatur: Objectum scientiæ media, est veritas objectiva propositionum contradicentium de futuro contingentium ante decretum, ut docent ejus assertores: Sed hanc veritatem objectivam excludit S. Doctor variis in locis supra relatis, quibus docet contradictoriis de futuro contingentii nullam infesse determinatam veritatem non solum quoad nos, sed etiam quoad se: nam lect. 13. super cap. 8. libri Periherm. negat hujusmodi contradictionis veritatem, quia futurum contingens non habet esse determinatum in suis causis liberis. Et in sent. dist. 32. quest. 1. art. 5. ad 2. art: Futurum contingens non est determinatè verum antequam sit, quia non habet causas determinatas.

44 Confirmatur: Idem S. Doctor 1. p. quest. 16. art. 7. ad 2. hæc scribit: Illud quod nunc est, ex eo futurum fuit antequam esset, quia in causa sua erat ut fieret, unde sublatâ causa non esset futurum illud fieri: sola autem prima causa est aeterna; unde ex hoc non sequitur, quod ea quæ sunt, semper fuerit verum ea esse futura, nisi quatenus in causa separata fuit, ut esset futura; quoquidem causa solus est Deus. Atqui

A non fuerint futura in causa sempiterna nude sumpta, sed per decretum determinata: Ergo ante illud decretum, D. Thomas nullam agnoscit veritatem in futuris contingentibus, ac proinde tollit objectum scientiæ media.

Secundū, Unum ex principiis quod D. Thomas frequenter usurpat, est Deum non cognoscere res immediate in seipso; sed solum in seipso, & in sua essentia tanquam in causa, & medio prius cognito. Ita expressè docet hic art. 5. in corpore, quod his verbis concludit: sic igitur dicendum est, quod Deus seipsum videt in seipso, alia autem à se videt, non in ipsis, sed in seipso. Idem repetit in response ad primum. Item 1. contra Gentes, cap. 49. probat ex Dionysio, Deum omnia cognoscere in sua essentia tanquam in causa. Et cap. 65. ratione 5. Cognitio (inquit) Dei est de rebus omnibus per causam: si enim cognoscendo qui est omnium causa, alia quasi suos effectus cognoscit. Quod cap. 67. extendit ad futura contingentia, & cap. 68. ad actus liberos nostra voluntatis, ut ibidem videri potest. Ex hoc autem principio sequitur manifesta destruicio scientiæ media, cum enim essentia divina non sit causa rerum ad extra, nisi ut haberet adjunctam voluntatem, & nisi ut determinata per decretum: sed quod Deus non sit agens ad extra per modum naturæ, sed per modum liberi: si in illa tanquam in causa, & medio prius cognito, futura contingentia & libera cognoscit; evidens est illa non posse cognoscere antecedenter ad decretum, per scientiam medium.

Tertium principium doctrinæ D. Thomæ est, rem esse futuram, esse denominationem extrinsecam, sumptam à preparatione, ordinatione, & determinatione causarum ad illius productionem. Ita docet quest. 2. de veritate art. 12. in corp. & ad 7. & in 1. dist. 38. quest. 1. arr. 5. ad 3. Ex quo etiam principio solvit omnis scientia media, cùm ex illo evidenter sequatur, nullum contingens esse determinatè futurum, absolute, vel conditionate, independenter à decreto, & ordinatione, vel determinatione cause primæ, ut confabat ex infra dicendis, demonstrando impossibilitatem hujus scientiæ.

Quarto, D. Thomas docet scientiam Dei esse priorem ebus, nec ab illis mensurari, quantum ad veritatem, & certitudinem; sed potius esse illarum regulam, & mensuram, ut videri potest in hac quest. art. 8. ad 3. ubi ait: Sicut scibilia naturalia sunt priora scientiæ nostræ, & mensura ejus; ita scientia Dei est prior quam res naturales, & mensura ipsarum. Et 1. 2. quest. 93. art. 1. ad 3. Ratio intellectus divini alteris habet ad res, quam ratio humani intellectus. Intellectus enim humanus est mensuratus à rebus, ut scilicet conceptus hominis non sit verus proper seipsum, sed dicitur verus ex hoc quod conforat rebus. Intellectus verò divinus est mensura rerum, quia unaqueque res in tantum habet de veritate, in quantum imitatur intellectum divinum. Sed cum hoc principio non posse stare, scientiam medium, evidens est, quia talis scientia non est regula, & mensura certitudinis, & veritatis quæ est in rebus futuris; sed potius earum futuritionem, ac veritatem objectivam supponit, eamque tantum speculatur, & explorat: Ergo scientia media principiis doctrinæ D. Thomæ repugnat.

Quinto, Constat ex pluribus testimoniis dis. 4. art. 6. §. 2. adductis, D. Thomam docere præscientiam futurorum, saltem absolutorum, esse

## DISPUTATIO SEXTA

296

in decreto fundatam, & ab eo dependentem. Id etiam aperte colligitur ex 1. sent. dist. 39. quæst. 1. art. 1. ad 5. ubi dicit: *Licet esse & scire Dei sint idem secundum rem, tam scire sequitur voluntatem, ut imperatum ab ipsa.* Et art. 2. ad 1. ait: *Ipsum scire in Deo esse subiectum libertati voluntatis.* Hinc vero præcludi viam ad scientiam medium, §. præcedenti ostendimus; nam si præscientia futurorum nitarunt decreto, illud debet esse infallibile, & ab intrinsecus cum illis connexum, ac proinde de se efficax, & efficiens liberam determinationem voluntatis, subindeque excludens scientiam medium, qua supponit decretum indifferens, & a voluntate humana, quod speciem actus determinabile.

**Sexto.** Quotiescumque D. Thomas explicat concordiam nostræ libertatis cum divinis decretis, recurrit ad infinitam efficaciam divinæ voluntatis, attingens non solum substantiam, sed etiam modum libertatis in nostris operationibus, ut constat ex 1.p. quæst. 19. art. 8. ex primo contra Gentes cap. 55. & ex aliis locis supra a nobis citatis: Ergo non adgitat scientiam medium. Consequens patet, si enim illam agnoscere, non deberet recurrere ad infinitam illam efficaciam divinæ voluntatis, sed potius ad præscientiam futuri consensus, & ad scientiam illam exploratricem, quæ Deus scrutatur ac explorat quid homo ex innata libertate velutur sit, & ad quid determinabit concursum indifferenter quem illi ostendit, sicut ejus defensores docent.

**34** Septimò, Idem S. Doctor 1.2. quæst. 109. art. 2. ad 1. & 3. contra Gent. cap. 89. docet, quod licet homo sit dominus suorum actuum, propter deliberationem rationis, quæ potest fieri ad unam partem, vel ad aliam: tamen quodlibet, vel non liberet, vel non deliberet, quod eligat, vel non eligat, hoc debet reduci in aliquod primum deliberans & eligens, quod sit melius ratione humana, scilicet in Deum, qui est primum liberum, & primum principium nostrorum consiliorum & voluntatum. Unde 1. Periherm. lect. 14. sic ait: *Voluntas divina est intelligenda, ut extra ordinem entium existens, & velut causa quadam profundens totum ens, & omnes eius differentias: sunt autem differentia entis, possibile & necessarium: & ideo ex ipsa voluntate divina, originantur necessitas, & contingentia in rebus.* Quibus verbis reducit ipsam libertatem, & contingentiam rerum, ad ipsam voluntatem divinam, ut ad primum liberum, & primum determinans, ac profundens totum ens & omnes eius differentias; non vero ad ipsam voluntatem humanam, quæ solum est secundum liberum, & secundum determinans. Ex quo etiam principio sequitur destruptione scientie medie, quæ non reducit liberam electionem nostræ voluntatis, in Deum ut in primum eligens, & primum deliberans, ac determinans; sed potius in liberum arbitrium creatum, ex innata libertate, & dominio veluti à Deo emancipato, ut dicunt Averlarii, scilicet determinans ad speciem actus, sub concurso indifferenter ipsi à Deo oblato. Unde (ut infra ostendemus) scientia media subtrahit à divina causalitate, & providentia, liberam nostræ voluntatis determinationem.

**35** Octavò, D. Thomas 1. p. quæst. 14. art. 8. ad 1. & quæst. 2. de verit. art. 14. ad. 1. docet non ideo res sciri à Deo, quia futura sunt; sed ideo futuras esse, quia sciuntur à Deo; per scientiam sci-

A licet practicam, & applicatam à decreto, & disp. 3. art. 4. ostendimus: unde explicat dictum Origenis dicentis, quia futurum est aliquid, id est securum à Deo; & dicit hoc non esse intelligendum, secundum causam essendi, sed tantum secundum causam inferendi: id est in sensu tantum illativi, & non causali. At hoc principium repugnat etiam scientie media, ejusque assertoribus, qui docent, id est res futuras sciri à Deo, quia futura sunt; & negant ideo illas esse futuras, quia sciuntur à Deo: Ergo idem quod prius. Nonò, Molina & alii defensores scientie mediae, docent predestinationem esse tantum certam certitudinem causalitatis mediorum: Sed hoc reprobatur à D. Thoma quæst. 6. de verit. art. 3. ubi dicit, *esse contra Scripturam & dicta Sanctorum.* Et quodlibet. 12. art. 3. inquit, predestinationem habere certitudinem, ex parte scientie Dei, que non potest falli; ex parte voluntatis divinae, cui non potest aliquid resistere; & ex parte providentiae, qua certissimo modo dicit ad finem. Item quæst. 6. de verit. art. 3. ait, predestinationem addere præscientie habitudinem causa. Ergo scientiam media repugnat principiis Divi Thomæ.

Denique disputatione præcedenti ostendimus, decreta absolute ex parte subjecti, & conditionata ex parte objecti, in Deo admittenda esse, juxta S. Doctoris principia, præsertim iuxta principium illud quod in ejus doctrina certissimum, & communissimum est, Deum omnia in seipso ut in causa cognoscere: Sed cum decretis illis conditionatis scientia media cohædere nequit, ut de se patet, ejusque defensores habentur: Ergo illa de medio tollenda est, si stare velimus doctrinam D. Thomæ principiis. Unde Salmanticenses referunt Curiellem Doctorem Salmantensem celeberrimum, cum primum scientiam medium docuisse, eam post modum retractasse; cum enim totum septennium uni Summae D. Thomæ, cum Cajetani Commentariis legendæ (cuius amore, ut Jacob Rachelis potius studio, flagrabit) impendisset, nulla hujus scientie semina aut vestigia in ea reperiuntur, cum maximè vellet; sed potius illam, Angelica doctrinam principiis apertissime repugnare, comperit. Vir est toto orbe celebratus, & supra omnem laudem, nullique partium addictus, imò & in scientiam medium aliquando pronior, cui subinde major fides habenda, quam ulli nostrum, aut è Societate. Ex quo intelliges, gratis à Patre Annato dictum: *Theologia apud D. Thomam scientiam medium suscepisse, sed in modum illius, qui cum breviarium sum perdiisset, ita quarebat ut inveniendum timeret.*

### ARTICULUS V.

*Variis argumentis, ex principiis supra statutis desumptis, expungitur scientia media.*

**H**æc argumenta fusæ, & lato calamo, disputationibus præcedentibus expendimus; nunc ea hic in unum colligemus, & breviter ac dilucide exponemus.